



REPUBLIKA E KOSOVËS/REPUBLIKA KOSOVA

GJYKATA THEMELORE FERIZAJ - DEGA E GJYKATËS KAÇANIK

Numri i lëndës: 2019:160796

Datë: 06.02.2024

Numri i dokumentit: 05288544

2019:160797

GJYKATA THEMELORE NË FERIZAJ - Dega Kaçanik, Departamenti i Përgjithshëm, Divizioni Civil, gjyqtari individual Burhan Berisha, në çështjen juridike kontestimore të paditësit V. L. nga Kaçaniku, kundër të paditurit K. Gj. K. , rruga “...” nr. 133, Prishtinë, të cilin me autorizim e përfaqëson B. M., për çështjen kontestuese kompensim i pagave jubilarë, në seancën e shqyrtimit përgatitor, me dt. 25.01.2024, merr ndërsa me datë 06.02.2024, përpilo me shkrim, këtë:

A K T V E N D I M

I. Padia e paditësit V. L. nga ... , e datës 24.06.2019, e ushtruar ndaj të paditurës K. Gj. K. , lidhur me çështjen kontestuese kompensim i pagave jubilarë, KONSIDEROHET e TËRHEQUR.

II. DETYROHET pala paditëse që në afat prej 7 ditësh nga dita e marrjes se aktvendimit, të paguaj shumën prej 20.00€ në emër të taksës për padi.

A r s y e t i m

Paditësi V. L. ka ushtruar padi në këtë gjykatë me dt. 24.06.2019, lidhur me çështjen kontestuese, kompensim i pagave jubilarë duke theksuar se paditësi ka qenë në marrëdhënie pune që nga viti 1974 , në institucione të ndryshme shoqërore dhe ka përvojë pune mbi 45 vite. Ne Gjykatën Themelore Ferizaj- Dega Kaçanik ka punuar nga viti 2003 deri ne vitin 2019, dhe

konform Ligjit të Punës ka përfunduar marrëdhënien e punës, pas arritjes së pensionimit në muajin shtator të vitit 2018, dhe sipas kontratës kolektive, të punësuarit me rastin e pensionimit i takon e drejta në tri paga jubilarë, në lartësinë e tri pagave mujore të fundit, duke i propozuar gjykatës që të aprovetë kërkesëpadiat e paditësit si e themeltë.

Gjykata ka ndërmarr veprime përgatitore duke dërguar padinë dhe aktvendimin për përgjigje në padi palës së paditur, e cila në përgjigjen me shkrim kanë deklaruar se e kundërshtojnë padinë dhe kërkesë padinë e paditësve si të pa bazuar.

Gjykata ka caktuar seancën përgatitore me datën 05.12.2023, në të cilën prezent kanë qenë personalisht paditësi, ndërsa për palën e paditur B. M. me autorizim, në të cilën seancë paditësi V. L. ka deklaruar se në këtë fazë të procedurës bënë tërheqjen e padisë, ndërsa i autorizuari i palës së paditur ka dhënë pëlqimin që padia e paditësit të konsiderohet e tërhequr, andaj gjykata konform nenit 261 të LPK-së padinë e paditësit e konsideroi të tërhequr.

Gjykata e detyroi palën paditëse që të paguaj shumën prej 20€ në emër të taksës për paditë, të pa paguar me rastin e dorëzimit të padisë. Duke u bazuar në Udhëzimin Administrativ mbi Unifikimin e Taksave Gjyqësore UA.01/2017 neni 12.1, andaj dhe vendosi si në dispozitiv të këtij aktvendimi.

Gjykata në kuptim të dispozitave të nenin 387.1 pika c, të Ligjit për Procedurën Kontestimore, vendosi si në dispozitiv të këtij vendimi.

GJYKATA THEMELORE NË FERIZAJ-Dega Kaçanik

Departamenti i Përgjithshëm

2019:160797, dt. 06.02.2024

Gjyqtari:

Burhan BERISHA

KËSHILLË JURDIKE:

Kundër këtij aktvendimi

nuk është e lejuar ankesa